

Resolución lúmero: 32

Asunto: O paradigma d'o indefinito achetibo *bel*

Testo de a resolución

O paradigma d'o indefinito achetibo *bel* que se consella emplegar en aragonés común u estándar ye o siguién: *bel, bella, bels, bellas*. Iestas formas achetibas no deben trafucar-se con as formas pronominals indefinitas correspondiens.

Chustificazió

As formas dadas en o trestallo d'alto son as más cheneralizatas en l'aragonés literario común e tamién as más emplegatas en a fabla bibe.

En a zona que ba dende a Bal de Tena ta ra Bal de Chistau se gosán emplegar en femenino *bela, belas*. Y en a Bal de Bielsa *bel.la, bel.las*. Tanto unas como atras se consideran dialeutals, fren á ras más comuns *bella, bellas*. O mesmo se puede dizir d'as formas de masculino emplegats en a Bal de Benás *bell, bells*.

Respeuto á ras formas *belos* (Bal de Tena) e *bellos* (zonas ozidentals en cheneral), responden peyor á ra formazió regular d'o plural que a forma *bels*.

Por o debandito, y en consonanzia con as formas de demostratibo de terzer termino *aquel, aquella, aquels, aquellas* (se beiga a Resolución lúmero 23), asinas como tamién en consonanzia con a Resolución lúmero 28, relatiba á os pronombres presonals de terzera presona (*el/er, ella/era, els/ers/ellos, ellas/eras*), parixe más combenién recomendar as formas cuaternatas en o trestallo d'alto.

Bibliografía

NAGORE LAÍN, Francho: *Gramática de la lengua aragonesa*. 5ena edizió, Zaragoza, Mira Editores, 1989, pp. 123-132.